



Javni poziv jedinicama lokalne samouprave za iskazivanje interesa za učešće u realizaciji programa Ozon – Otvorene i odgovorne općine 2021

Kako lokalne vlasti mogu unaprijediti efikasnost i transparentnost rada sa građanima u svim onim oblastima do kojih im je posebno stalo?

Ukoliko ste **općina/grad koja/koji želi istaći svoje rezultate rada i približiti građanima to šta i kako radite u njihovo ime** i za njihov novac, kako biste riješili probleme građana na području Vaše općine/grada, ovaj poziv je namijenjen Vama.

Programom Ozon koji je „Institut za razvoj i evropske integracije“ (IREI) pripremio za Vas **ostvarit ćete otvorenu i dvosmjernu komunikaciju sa građanima Vaše općine/grada, te obučiti Vaše osoblje kako na najefikasniji način uspostaviti ovaj novi model rada**. Osim toga, zajedno s vašim osobljem kreirat ćemo **programsku politiku i strategiju** koja će vam sve ovo omogućiti.

Udruženje „Institut za razvoj i evropske integracije“ (IREI) u periodu 2021.-2023. godine provodi program „**Ozon – Otvorene i odgovorne općine**“. Program omogućava **značajan napredak u osmišljavanju i praćenju reformi javne uprave** u prioritetnim područjima koja određuju načelnici/gradonačelnici te **ostvarivanje redovne i dvosmjerne komunikacije sa građanima**.

U okviru aktivnosti programa u 2021. godini udruženje IREI raspisuje **Javni poziv jedinicama lokalne samouprave** i poziva pet lokalnih zajednica na saradnju u realizaciji programa Ozon.

Ozon program radi na ostvarivanju pozitivnih promjena u lokalnoj zajednici uspostavljanjem konkretnih programskih ciljeva i sistema redovnog praćenja mjerljivih ishoda. Program dodatno stavlja fokus na realizaciju redovne i dvosmjerne komunikacije lokalnih vlasti sa građanima putem telefona, e-maila ili društvenih mreža, doprinosi pozitivnim iskustvima građana te potpomaže u izgradnji povjerenja između građana i vlasti.

IREI okuplja stručnjake iz različitih oblasti upravljanja, sa direktnim višegodišnjim iskustvom u kreiranju i provedbi javnih politika, realizaciji složenih projekata i rukovođenju procesima unutar vladinog, nevladinog i realnog sektora. Direktno iskustvo IREI-a stečeno je dugogodišnjim radom i donosi ideje i rješenja koji su već uspješno implementirani i na tlu Bosne i Hercegovine.

Tokom 2021. godine, program podrške će se izvoditi na ograničenom broju lokacija – maksimalno pet (5).

Predmet poziva

Prijavom na ovaj poziv zainteresovane jedinice lokalne samouprave iskazuju interes i namjeru za partnerstvo sa udruženjem IREI u realizaciji programa „**Ozon – Otvorene i odgovorne općine**“, što podrazumijeva partnersku saradnju i aktivno učešće kroz dostavljanje potrebnih informacija za analizu, te ustupanje ljudskih resursa lokalne samouprave za potrebe implementacije programa.

Koncept programa

Ozon program namijenjen je za odabrane načelnike/gradonačelnike i njihove općine/gradove koji žele **da se istaknu svojim rezultatima te da rade na unapređenju dvosmjerne komunikacije sa građanima**. U toku naredne dvije godine općine/gradovi će imati priliku da:

1. Vrše temeljnu analizu općinske/gradske administracije, sa posebnim osvrtom na socijalna izdavanja u budžetu, antikorupcijske mjere, zaštitu okoliša i održivi razvoj, komunikaciju sa građanima, te uključenost žena i marginalizovanih grupa u rad općine/grada. Svaka analiza će uključiti preporuke konkretnih mjera.
2. Na osnovu gore navedenih analiza, svaki načelnik/gradonačelnik će moći formirati Novu programsku politiku (NPP) kreiranu prema njihovim prioritetima i potrebama općine koju zastupaju.
3. Svaka općinska/gradska administracija će biti osposobljena za redovno praćenje rezultata NPP-a, uz pomoć specifičnih i mjerljivih indikatora, svaka 4 mjeseca.
4. Svaka općina/grad će dobiti prilagođeni Plan komunikacije te će na taj način omogućiti redovnu dvosmjernu komunikaciju sa građanima o njihovim prioritetima i rezultatima rada načelnika/gradonačelnika i općine/grada.

Dostavljanje pisma namjere

Dostavljanje pisma namjere od strane jedinice lokalne samouprave znači inicijalno iskazivanje interesovanja i namjere za partnerstvo sa IREL-om u realizaciji programa „**Ozon – Otvorene i odgovorne općine**”. Nakon selekcije pristiglih pisama namjere, detalji realizacije programa bit će usaglašeni prema očekivanom krajnjem rezultatu te mogućnostima lokalne zajednice i bit će utvrđeni zasebnim ugovorom.

Svaki **načelnik/gradonačelnik** može aplicirati sa pismom namjere koje identifikuje specifične i jasne programske prioritete što ih želi ispuniti u toku 4 godine svoga mandata, sa inicijalnim koracima koji bi bili započeti u periodu trajanja projekta (2021-2023). Poželjno je da u pismu budu navedeni precizni ciljevi koji se direktno odnose na 6 tematskih cjelina **Ozon projekta** te na koji način se navedeni ciljevi uklapaju u već usvojene razvojne strategije Općine/Grada.

Ovih 6 tematskih cjelina odnose se na:

1. Komunikaciju sa građanima
2. Antikorupcijske mjere
3. Zaštitu okoliša i održivi razvoj
4. Socijalna izdavanja
5. Uključenost žena i ostalih marginalizovanih grupa
6. Prilagođavanje budžeta potrebama građana

Pet općina/gradova će biti izabrano tokom ovog kruga na osnovu motivacije i želje za reformama te na osnovu geografske zastupljenosti.

Slanje pisma namjere i dodatne informacije

Pismo namjere možete poslati emailom na poziv@irei.ba. IREI će potvrditi prijem svakog primljenog pisma u roku od 24 sata. Sve dodatne informacije mogu se dobiti putem broja telefona: 033 950 901 ili e-mail poziv@irei.ba.

Javi poziv otvoren je do 1.6.2021.

Ozon projekat provodi Institut za razvoj i evropske integracije,
a finansiraju Vlada Švicarske i Švedska.



Schweizerische Eidgenossenschaft
Confédération suisse
Confederazione Svizzera
Confederaziun svizra



INSTITUT ZA RAZVOJ I EVROPSKE INTEGRACIJE
Zmaja od Bosne 76 / 71000 Sarajevo / Bosna i Hercegovina
Tel: +387 33 950 901 Fax: +387 33 950 902